

5-Mavzu: Yoz, seni sog'indik

Darsning maqsadi:

- Boris Snegurenkovning "Yoz qayerga berkinadi?" ertagi bilan tanishtirish;

- qorning hosil bo'lishi va tabiatga foydasi haqida ma'lumot berish;

- rollarga bo'lib o'qish ko'nikmasini o'stirish.

Tayanch so'zlar: Qish qahri, Yoz, Bahor, kurtaklar.

Didaktik materiallar: mavzuga mos rasmlar.

Darsning borishi:

I. Darsning kirish qismi. (3 daqiqa)

Darsni tashkil qilish.

Faollashtiruvchi mashq: Aytilgan so'zlar ichida yoz fasliga tegishlilarini aniqlang.

Boychechak, qor, jazirama, kurtak, xazon, iyul, maktab.

II. O'tilganlarni takrorlash. (8 daqiqa)

She'rni ifodali o'qitiladi. Bahor haqida tuzilgan matnni so'zlab berishadi.

III. Darsning asosiy qismi. (29 daqiqa)

Amaliy topshiriq: "1+so'z" mashqi.

"Oz" so'zining boshiga bitta tovush qo'shib yangi so'z hosil qiling.
Muhokama uchun savollar.

1. Qanday so'zlar tuzdingiz?
2. O'rtog'ingiz tuzgan so'zlarni aytib bering.
3. Kimda jeriklarida uchramagan so'zlar bor?

Mavzuni tushuntirish.

Darslikda berilgan rasmlar asosida matn tuziladi.

Savollarga javob beriladi.

1. Yoz faslida tabiatda qanday o'zgarishlar bo'ladi?
2. Qor qanday hosil bo'ladi deb o'ylaysiz?

Matn ustida ishlash.

Boris Snegurenkovning “Yoz qayerga berkinadi” ertagi navbatma-navbat o‘qitiladi. Ertak yuzasidan savollarga javob beriladi.

1. Nega Yoz berkinishga majbur bo‘libdi?
2. Yoz qayerga berkinibdi?
3. “So‘z qotishibdi” deganda nimani tushundingiz?
4. Nima uchun odamlar “Bahor keldi – yoz keldi”, deyishar ekan?

Matndagi notanish so‘zlar ustida lug‘at ishi o‘tkaziladi.

Ta’qib qilmoq – ketidan quvmoq, izidan tushmoq.

Bo‘rtmoq – ko‘karib chiqmoq.

Ranjimoq – xafa bo‘lmoq.

Yaxlatmoq – muzlatmoq.

“Tanlab o‘qish” mashqi.

Quyidagi so‘zlar bilan boshlanadigan gaplar topib o‘qiladi.

Bu juda ham... Yoz o‘zini... O‘shandan buyon...

Mashq daftari bilan ishlash.

Gaplar o‘qiladi va voqealar ketma-ketligi aniqlanadi. Yoz faslida tabiatda qanday o‘zgarishlar bo‘lishi yoziladi. Darslikda berilgan topshiriqlar bajariladi. Bo‘g‘inlardan maqollar tuzib o‘qiladi.

Tez aytish aytiriladi.

IV. Darsni yakunlash va baholash. (3 daqiqa)

- Yoz fasli haqida nimalarni bilib oldingiz?
- Sizga nima qiziq bo‘ldi?

V. Uyga vazifa. (2 daqiqa)

Ertakni o‘qing va mazmunini so‘zlab bering. Yoz deganda ko‘z oldingizga nimalar keladi? Javobingizni gulbarglarga yozib, rasmini chizing.

6-Mavzu: Oltin kuz

Dars maqsadi:

- Shuratning “Kuz” she’ri bilan tanishtirish;
- Kuz faslida tabiatdagi o‘zgarishlar haqida ma’lumot berish;
- To‘g‘ri va ifodali o‘qishga o‘rgatish;